


HORREURS DE BANNE CHANTÉS ET LAMISIK



*Bayaan par Ameer-é-Ahl-é-Sunnat,
Ameer-é-Dawat-e-Islami,
Sheikh-é-Tareeqat,
Maulana Abu Bilaal,
Muhammad Ilyas Attaar
Qaadiri Razavi Ziaï
(áamat barakaatum-ul-aaliya)*



Publié et présenté par:

Majlis-é-Taraajim Kutub
Maktabat-ul-Madinah
Dawat-é-Islami

مكتبة المدينة

Point de Vente : Masjid Sheikh Abdul Qadir Jilani (radi allahu anhu)
Vallée des Prêtres (Vallée de Attaar), Port-Louis

Horreurs de Bannes Chantés et Lamisik (Gaaney Baajey ki Holnakiyan)

Ça livret (risaalah) la finn écrire en urdu par Sheikh-e-Tareeqat, Aashiq-e-'Aala Hazrat, Ameer-Ahl-e-Sunnat, le fondateur de Dawat-e-Islami, Maulaana Abu Bilaal, Muhammad Ilyas Attaar Qaadiri Razavi Ziaï دامت برکاتہم العالیہ

Majlis-e-Taraajim (Dawat-e-Islami) finn gagne l'honneur pou traduire ça livret la en créole et présente ça devant ou. Si ou trouve kit erreur dans so traduction ou bien so composition, pas hésiter pour contacter Majlis-e-Taraajim et recolter beaucoup sawaab.

Contact:

Majlis-e-Taraajim (Dawat-e-Islami)
Aalami Madani Markaz
Faizaan-e-Madinah
Mohallah Saudagaraan
Old Sabzi Mandi
Baab-ul-Madinah, Karachi, Pakistan
majlistarajim@dawateislami.net
Phone: 021 493 1389-92

الحمد لله رب العلمين والصلوة والسلام على سيد المرسلين اما بعد
فاعوذ بالله من الشيطان الرجيم ط بسم الله الرحمن الرحيم ط

Horreurs de banne Chantés et Lamizik

*Quand même combien la paresse Shaytaan pou mette dans ou, lire
ça livret la complètement. Insha Allah ou pou ressenti le
commencement de ene révolution islamique dans ou le coeur.*

Profit de durood shareef

Dans Tirmizi Shareef finne mentionné ki Allah عزوجل So Bien-Aimé, Le Sage de l'invisible, l'Homme sans default صلى الله تعالى عليه
so parole rempli de bienfait, li comme suit: « *Sans doute
jour Qiyaamat parmi banne personnes, celui ki pou pli près avec
moi, c'est ça personne ki lire plis beaucoup durood lor moi* »
[Jaam-é-Tirmizi, Hadeeth no. 484, vol 2, pg 27, Edition Daar-ul-Fikr,
Beyrouth]

صلو على الحبيب صلى الله تعالى على محمد صلى الله تعالى عليه واله وسلم

La voix effrayant depuis qabarastaan

Hazrat-é-Allama Jalaaluddeen Souyooti Ash-Shafi'ee رضى الله تعالى
عنه écrire dans *Sharahas Soudour, Edition Daar-ul-Koutoub-ul-
Ilmiyya, Beyrouth, pg 217*, ki ene personne ki so la caze ti près
avec qabarastan, à l'occasion mariage so garçon, li fine organise
ene programme chanté dansé à soir. Tous bane invités ti plongé
dans la musique et danser, quand ene coup, ene la voix de
tonnerre finne transperce silence qabarastan et fine dire sa deux
couplet la, dans ene façon bien effrayant.

1. يا اهل لذة لهو لاتدوم لهم
2. ان المنايا تبديد اللهو و اللعبا
3. كم من رأينا مسرورا بلذته
4. امسى فريدامن الاهلين مغتربا

So traduction li coumsa:

***Oh banne ki occupé dans chanté danser
la mort pou fini tous zot banne jeux!
Mo fine trouve beaucoup sa qualité personne ki ti vine
négligent à travers banne plaisirs et bonheurs
mondaine,
En fin de compte la mort finne sépare zot avec zot
famille***

Ecrivain la écrire: Mo faire qassam lors Allah عزوجل après seulement quelques jours sa douha (nouveau marié) la fine trouve la mort. Malheur, sa cyclone ki appelle la mort la fine vini et fine ravage tous banne plaisirs et sourire, amusement et contentement, ambitions et chanson. Le nouveau marié fine emporté par la mort et sa la caze ki ti rempli avec divertissement-la fine transformer en lieu de deuil!

***Tou khushi ke phool léga kab talak
(Jusqu'à quand to pou reste amusé ?)
Tou yahan zinda rahéga kab talak
(Jusqu'à quand to pou vivre ici ?)***

Par sa événement-la, banne celui ki organise grand grand disco dans mariage et banne ki participe la-dans zot bizin ouvert zot lizié. Ecoute encore ene événement un peu pareil coumsa et tire leçon.

Douha Malheureux

Dans Panjab, ene district de Pakistan, à l'occasion mariage ene jeune garçon moderne ti ena ene fête ki ti organisé par so famille le soir. Malheureusement tous banne madames dans la famille fine oublier zot identité et zot fine commence danser lors la

musique et chanson de banne film. Sa l'heure-la douha-la fine approche so mama et fine dire li: «*Oh mo chère mama demain ena mo mariage, c'est ene l'occasion de contentement mo envi ki toi aussi to danse un peu*»

So mama fine étonné et fine réponde: «*Oh mo béta, sa c'est travail banne jeunes filles sa, dans sa l'age-la cote mo pou dansé ?!!*»

Mais garçon-la fine insisté, et li fine trappe la main so mama et fine risse li et fine mette li lors platform (l'estrade) kot banne les autres ti pé danser. Tous dimounes fine bien rié et en fin de compte mama-la aussi fine commence bouge so le corps indécentement lors son la musique. Finalement après ki zot tous fine bien fatigué, zot fine alle dormi.

Gramatin soleil fine fini levé, zordi c'est jour mariage, baaraat ena pour aller. Ene membre de la famille fine alle leve douha. Pe crier li, mais douha so sommeil pa oulé casser. En fin, combien li fine fatigué ki so lizié même pas oulé ouvert. Quand ca personne-la fine bouge douha-la pou lève li, alors li fine choqué et li fine crier extra fort. Tous banne les autres membres de la famille fine galoupé fine vini. Aaah!! Malheureux douha ki fine danser et faire les autres danser toute la nuit, en fin de compte li fine goûte la mort dans sommeil. Dimounes fine commence crier et pleurer. Sa la caze ki ti rempli avec contentement-la fine vine ene lieu de deuil.

Quelques heures avant sa place ki ti pé faire écho avec banne rires et jokes-la, astère fine rempli avec pleures et douleurs. Tous contentement et amusement fine disparaître. Zott tous ti plonger dans ene tristesse énorme. Fine donne ghush, fine mettre kafan et dans ene l'atmosphère rempli de douleur et de parfum chagrinant de kaafoor (camphre) banne dimoune fine lève janaaza sa douha malheureux-la. Dans place voyage dans ene loto bien décoré avec banne joli fleurs, sa douha-la fine voyage dans ene janaaza serré et lors z'épaules banne dimoune et fine amene li vers ene place isolé, c.a.d. qabarastaan (cimetière)!

Dans place alle dans so la chambre à coucher bien décorée avec banne fleurs, parfums et illumination, li finne rentre dans ene qabr qui bien noir, serré et rempli avec tous sorte qualité bêtes.

***Tou khoushi ke phool léga kab talak
Tou yahan zinda rahéga kab talak***

Très chers frères en Islam ! Zot fine trouvé, tous plaisirs mondaines zott temporaire et la mort li sure et certain. Celui ki fine jouir banne contentement, en fin de compte li fine bizin goutte douleur la mort. Aaah!!

***Qabr mein mayyit outarni hein zaroor
Jaisi karni waïsi bharni hein zaroor.***

Traditions Inutiles

Domage, mille fois domage. Zordi jour ene grand et joli sunnat couma mariage finne enveloppé avec tous sorte qualité gounah. Banne coutumes anti-islamique fine vine ene partie soi-disant obligatoire la dans. Ma'aazAllah عزوجل, situation finn dégrader autant ki tant pas faire ene ta kitchose haraam, dimoune penser ki mariage pas fine accompli. Prend l'exemple fiançailles même, kot ene garçon, avec so propre la main li faire tifi-la mette bague tandis ki sa c'est ene travail haraam ki améne vers Jahannam. Dans mariage, banne missié mette mehendi dans zot la main ou le doigt, ca aussi li haraam. Faire banne réception cote missié madames manger ensemble ou soit parfois juste comme ene formalité mette ene rideau entre banne missié et madames mais au fait banne missié sans hésitation zotte rentre parmi madames pou servi manger ou pou filmer! Oh banne ki tire, ou faire tire photo par plaisirs, gagne la frayeur d'Allah عزوجل.

Nous chef Aalaa Hazrat رحمه الله تعالى عليه écrire dans Fatawa Razwiya, vol.10, Nisf awwal, Edition Maktaba Razwiya, Karachi, pg 143, avec référence de Sahih Bukhari, Sahih Muslim et Musnad Imaam Ahmad, ki Hazrat Sayyiduna Abdullah Ibné Abbaas رضى الله تعالى عنها rapporté ki Rasoolullah صلى الله تعالى عليه واله وسلم finne dire « *Tous banne ceki tire photo zot dans Jahanam et en retour de chaque photo ki li fine tirer, Allah عزوجل pou créer ene créature ki pou donne li punitions / azaab* »

Malheureusement dans banne mariage ena grand exposition de la mode

indécente. Banne jeunes filles de la famille zot chanter danser et faire tout sorte qualité gestes anti-Islamique et pendant ça le temps-la banne missié aussi aller vini parmi banne madames et chakène pé guette so camarade et pé commette adultère (zana) à travers lizié, ni éna la frayeur d'Allah عزوجل ni l'amour pour Rasoolullah صلى الله تعالى عليه واله وسلم. Ecoute bien! Dans Muslim Shareef, vol.2, pg 336, Edition Afghanistan, éna ène parole de Rasoolullah صلى الله تعالى عليه واله وسلم ki dire: « *Lizié so zina c'est guetter et zoreilles so zina c'est tendé et la langue so zina c'est causer et la main so zina c'est attraper* »

Rappelle bien! Li haraam pou ène missié étranger guette ène madame étrangère avec désir et li aussi haraam pou ène madame étrangère guette ène missié étranger avec désir et tous les deux actions capave amène nous dans Jahannam.

Clou entérré dans lizié et zoreilles

Oh banne missié ki guette banne madames étrangères ! Oh banne madames ki guette banne missié étrangers ! Ecoute bien attentivement. Gagne pitié lors zot faiblesse et gagne la frayeur pour Allah عزوجل So banne punitions dans zot. Dans ene longue Hadeeth ki trouve dans Sharahus Soudoor ena sa boutte la aussi ki Rasoolullah صلى الله تعالى عليه واله وسلم finne dire: « *Après mo finne trouve ca qualités dimounes-la ki ti enterre coulou dans zot lizié et zoreilles. Quand mo fine demander, finne dire moi ki sa banne la c'est banne ki guette ceki ou, ou pas guetté et zotte écoute ceki ou, ou pas écouter* » [Sharahus Soudoor, pg 171, Edition Daar-ul-Koutoub Ilmiyya, Beyrouth].

Gagne Frayeur

Chers frères en Islam! Gagne la frayeur et faire tawba dans baargaah-é-Ilaahi et supplié nous Rabb عزوجل, celui ki bien Raheem, pou Li verse So rahmat lors nous. Dommage à sa banda ki bien fragile ki pas capave supporte ene ti la poussière rentre dans so lizié ni ene boutte piment rouge, ni li capave mette so propre le doigt dans so lizié. So lizié ki pas capave ni supporte la fumé ni quand pe plisse oignons. Si la cause finne

guette bane madames étrangères ou finne guette bane joli garçons avec désirs ou soit finne bien guette film lor télévision ou soit finne bien guette banne madames ki pe donne information ou soit finne bien guette bane actrices zotte photos et autres étrangères dans la gazette, ou soit finne bien guette bane madames lor la plage, cote piscine; ou soit finne guette genoux découvert de banne footballeurs, boxeurs, wrestlers et autres sportifs, en retour de tous ca bane gounah-la si finne enterre ene koulou dans nous lizié, ki nous pou faire? Comme ca même, banne madames aussi faire attention, si mette koulou dans zotte lizié la cause zotte guette bane missié étrangers ki zot pou faire? Même si missié-là li zotte poupa, khalou, beau-frère ou cousin. Ou soit guette banne photos missié, acteurs dans la gazette, dans télévision ou dans banne films.

***Banne ki guette film et écoute chanté,
Pou mette coulou dans zot lizié et zoreilles
Dans zot vue pou éna difé l'Enfer,
Après la mort zot pou sauvé avec TV***

***Quitte TV et VCR, Faire ou Rabb عزوجل et
Sarkaar صلى الله تعالى عليه واله وسلم satisfait
Sauvé, reste loin depuis l'orchestre, lamizik,
Pou ki difé l'Enfer pas détruire ou***

***Banne frères arrête tappe la main (applaudi),
Quitte ça banne pratique enfantin-là
Faire tauba (repenti), Allah عزوجل So Pitié bien grand,
Sinon dans Qabar punitions pou bien dûre***

Désobéissance so Conséquences Horribles

Zordi péna même ène mariage cotte pas mette chanté jouer! Si ou essaye explique dimoune aussi, parfois ou gagne sa kalité réponse la: « *Extra ca! Allah عزوجل finne donne moi l'occasion faire mo premier tifi so mariage et ou, ou dire moi pas mette chanté et la musique. Assez do! Dans contentement tous roulé même sa* » Ma'aazAllah عزوجل.

Oh banne insouciant! Dans ène moment de contentement bizin remercier Allah عزوجل pou ki sa contentement-là durer et nous pas faire

désobéissance. Attention en conséquence de ca désobéissance-la, ou tifi ki pé marier zordi, retourne cote ou dans ène semaine et dans deuxième semaine li gagne ene lettre de 3 talaq (divorce)! Et tous ou contentement pou disparaître. Ou soit sa tifi ki pé marier dans ène l'environnement de chanté et la musique zordi, après neuf mois dans so premier accouchement même li trouve la mort. Dommage mille fois dommage!!

Mohabbat khusoomaat mein kho gayi

Dans l'ennement, l'amour finne perdi (absorbé)

Ye Ummat roosoomaat mein kho gayi

Dans banne coutumes, ca ummat-là finne absorbé

O banne ki mette chanté et la musique dans mariage, ouvert zot zoreilles et ECOUTER bien! A'laa Hazrat Imaam Ahmad Raza Khan رحمة الله تعالى عليه finne écrire dans Fatawa Razavia, vol. 10, pg 142, avec référence de 'Bazaar'. Ena deux la voix (son) lor ki dans duniya et aakhirat éna malédiction : ① Quand gagne ène faveur nous mette la musique. ② Quand gagne malheur nous crié fort fort. [Kanz-ul-Ummaal, Hadeeth no. 40654, vol. 15, pg 95, Ed. Daar-ul-Koutoub Ilmiyya, Beyrouth].

Pou rentre dans jahannam en pleurant

Dommage, conscience de banne musulmaan pé mort. L'ignorance pé couvert zot et zot finne enterre zot la honte. Dans place ki zot regretter lor zot bannes péchées, zot pé exprime zot contentement. Chanté dansé finne vine ène pratique tellement courant ki tou banne z'enfants pé vinne victime de ça azordi. Tellement pé gagne toute sorte qualité film et banne scènes indécentes lor télévision, gramatin tantot, ki dans chaque coin la rue trouve z'enfants pé danser et faire toute sorte qualité geste. Pli chagrinant, au lieu banne parents crié avec zot et empêche zot, banne-la même pé content et pé encourage zot zenfant. Dans banne fonction mariage, dimoune rié fort fort quand mette la musique ou quand ène dialogue rempli de bêtises pé dérouler. Oh! Banne ki rié fort fort et faire péchés dans banne fonction de mariage, ECOUTEZ!

Hazrat-é-Sayyiduna Imaam Muhammad Ghazzaali رحمة الله تعالى عليه pé

rapporté depuis Hazrat Sayyiduna Ibné Abbaas رضى الله تعالى عنهما dans le livre Mukaashifat-ul-Quloob, pg 275, Edition Daar-ul-Kutub Ilmiyya, Beyrouth. « *Celui ki ri-rier faire gounah, li pou plore-plorer li pou rentre dans jahannam* »

Oh banne ki plongé dans ène l'océan de péchés, Oh banne ki rié et faire lézot rié pour le plaisir et pou faire joke, Oh banne ki nek conne rié fort fort lor tous paroles, écoutez zot aussi. Dans Khazaaïn-ul-Irfaan mentionné ki Hazrat Sayyidatuna Aaïsha Siddeeqa رضى الله تعالى عنها finne dire:

« Quand Rasoolullah صلى الله تعالى عليه واله وسلم finne sorti depuis so la chambre mubaarak, li finne trouve banne mousalmaan pé rié entre zot. Sarkaar صلى الله تعالى عليه واله وسلم finne dire: "Zot pé rié, ziska l'heure aukène garanti pas finne vini de coté zot Rabb عزوجل et la cause zot pé rié ça aayat-là finne dessanne:"

الم يان للذين امنوا ان تخشع قلوبهم لذكر الله وما نزل من الحق

Traduction Kanzul Imaan:

Est-ce ki pou banne croyants, ça l'heure-là pas encore vini ki (zot) le coeur courbé dans rappel Allah عزوجل et pou ça vérité ki finne descendre-là.

Banne Sahaaba finne demandé: « *Yaa RasoolAllah صلى الله تعالى عليه واله وسلم ki nou besoin faire en retour?* »

Sarkaar صلى الله تعالى عليه واله وسلم finne réponde: « *Ploré ça quantité-là même* » (Veut dire, pleuré ça quantité ki zot finne rié-là). Le mot "Haqq" (vérité) ki finne faire mention dans ça 16^{ème} aayat de Surah Hadeed-là, c'est Quraan-é-Kareem.

Chers frères en Islam, quand Allah عزوجل et Rasoolullah صلى الله تعالى عليه واله وسلم pas finne content dimoune rié dans négligence, alors combien zot pas pou content chanté et la musique. Enfin Allah عزوجل So rahmat bien grand, faire tawba, répentite vite vite.

karlé tawba, Rab ki rehmat hé bari

Warna qabr mein saza hogi kari

Faire tawba (répenti), Rabb عزوجل So bénédiction bien grand

Sinon dans qabar punitions pou bien dûre

Chanteur à la Voix d'Or

Dans Mirqaat, vol.4, pg 700, Edition Daar-ul-Kutub-ul-Ilmiyya, Beyrouth, éna ène waaqia (évènement): « Ene fois Hazrat-é-Sayyiduna Abdullah Ibné Mas'ood رضى الله تعالى عنهما ti pé passe près avec Koofa. Ti éna ène chanteur bien renommée ki ti appelle 'Zaazaan' ki ti pé chanté avec ène bien joli la voix. En même temps ti ena banne personnes immoral (vagabond) dans soulaison la boisson zot ti pé bouge zot le corps lor ça son lamizik et chanté-là.

Hazrat-é-Sayyiduna Abdullah Ibné Mas'ood رضى الله تعالى عنهما finne dire : « *Comment ène joli la voix ça, si ti servi ça la voix-là pou faire Qira'at-é-Qur'aan Paak, couma li ti pou bon!* » Après ki li finne dire-ça li finne prend so chaadar mubaarak li finne mette lor la tête ça chanteur-là et li finne aller. Zaazaan finne demande banne dimoune : « *ki sanla ti vini là?* » Banne dimoune finne réponne: « *Ene Sahaabi bien renommé, Hazrat Abdullah Ibné Mas'ood رضى الله تعالى عنهما* » Zaazaan finne demandé: « *ki li finne dire?* » Banne-là finne réponne : « *Li ti pé dire, comment ène joli la voix-ça! Si ti servi ça la voix-là pou faire Qira'at-é-Qur'aan-é-Paak, couma li ti pou bon* »

Quand li (Zaazaan) finne tanne-ça, li finne gagne ène frayeur dans li. Li finne lever et li finne jette so instrument de musique tellement fort ki ça finne casser en morceau. Après li finne dirige li vers Hazrat Abdullah Ibné Mas'ood رضى الله تعالى عنهما en pleurant.

Sa Sahaabi-là finne maille-li et li aussi finne commence ploré. Après li finne dire: « *Celui ki content Allah Rabb-ul-Izzat عزوجل, alors moi ki faire mo pas pou content li* ».

Zaazaan finne repenti avec chanté et lamizik et li finne commence reste dans fréquentation ça Sahaabi-là et li finne commence acquérir l'éducation Qur'aan. En fin de compte li finne perfectionne li ça quantité-là dans connaissance Islamique ki li finne vinne ène grand Imaam.

Nigaah-é-Sahaabi mein taaseer dékhi
Mo finne trouve ça l'influence dans régard Sahaabi
Badalti hazaaroon ki taqdeer dékhi
Ki plusieurs milliers zot destin finne changé

Chers frères en Islam, zot finne trouvé quand Rasoolullah صلى الله تعالى عليه So Sahaabi رضى الله تعالى عنه So régard finne porte lor ène chanteur illettré, li finne faire li atteindre stage wilaaayat et imaamat. Quand Sahaabi so position coumsa, alors Sarkaar صلى الله تعالى عليه واله وسلم So grandeur couma li été?

Chahein to ishaaron sé apné, kaaya hi palat dé douniya ki,
Si zott oulé, par simple signe zott change condition le monde
Yé shaan hein khidmat-gaaron ki, Sarkaar صلى الله تعالى عليه واله وسلم
ka aalam kya hoga

Ça c'est grandeur de banne esclaves, alors le Chef (Rasoolullah صلى الله تعالى عليه واله وسلم) so position ki pou été?

صلو على الحبيب صلى الله تعالى على محمد صلى الله تعالى عليه واله وسلم

Détruire banne Instruments de Musique

Chers frères en Islam, Hazrat Sayyiduna Zaazaan رضى الله تعالى عنه ti pé vagabonder dans la forêt de l'ignorance, et chanté la musique ti so passe-temps favori. Aaq Rضى الله تعالى عليه واله وسلم So ène sahabi رضى الله تعالى عنه so regard finne porte lors li, finne éna ène révolution dans so le coeur et Li finne casse so instrument de musique tout de suite et li finne repenti depuis chanté et la musique. Au fait banne instrument de musique mérite sa même sort, ki nous detruire zot. Dans Hadeeth-é-Paak mentionné ki Sarkaar صلى الله تعالى عليه واله وسلم finne dire: « *Finne donne moi l'ordre pou casse tambour et flûte* » [Firdaus-ul-Akhbaar, Hadeeth no. 1613, vol.1, pg 483, Daar-ul-Kutub-ul- Arabi, Beyrouth].

Aster laisse mo dire zotte ki sanla fine invente sa chanté et la musique-là. Et bane ki content sa, ki sanla zot pé suivre.

Premier Chanteur dans le Monde

Quand Hazrat Sayyiduna Aadam Safioullah عليه الصلوة والسلام ti manger depuis l'arbre interdit, alors dans contentement, Shaïtaan ti chanté. Et

quand Hazrat Sayyiduna Aadam عليه الصلوة والسلام finne faire parda zaahiri (physiquement finne quitte ça monde-là) alors Shaïtaan et Qaabeel (Sayyiduna Adam عليه الصلوة والسلام So garçon malheureux) fine bien content et zotte fine joindre dans ène place, zot finne bien chanté et manifesté zot contentement avec tambour et les autres instrument de musique.

Rappelle, Qaabeel c'est garçon de Sayyiduna Aadam عليه الصلوة والسلام ki par la jalousie li ti commettre premier crime dans duniya quand li ti assassine so frère Hazrat-é-Sayyiduna Haabeel. Oh bane ki écouter et faire les autres écoute chantés et la musique, ouvert zot zoreilles bien et écouter ! **Cest Shaïtaan le maudit ki finne invente chanté et la musique.** Et écoute chanté et la musique veut dire suivre pas (traces) de Shaïtaan. Mais faire attention, dans Qur'aan finne empêche bane mousalmaan pou suivre pas (traces) Shaïtaan. Dans 2ème paara, Surah Al Baqara aayat 208, Allah عزوجل pé dire :

يَا أَيُّهَا الَّذِينَ آمَنُوا ادْخُلُوا فِي السِّلْمِ كَآفَّةً
وَلَا تَتَّبِعُوا خُطُوَاتِ الشَّيْطَانِ إِنَّهُ لَكُمْ عَدُوٌّ مُّبِينٌ ﴿٢٠٨﴾

Traduction de Kanz-ul-Imaan:

Oh banne ki ena la foi! rentre dans Islam entièrement et pas suivre banne pas de Shaïtaan. Sans doute li ene l'ennemi déclaré pou zott

Ene Serie Cadavres

Chers frères en Islam zot finne trouvé Qur'aan pé taxer Shaïtaan comme nous l'ennemi déclaré. Sa maudit-là, finne faire li avec difé et difé de la jalousie ki li ena avec nous brule li tout le temps.

Dans Kashf-ul-Mahjoob, pg 740, 741, Daata Ali Hajweeri رحمه الله تعالى pe écrire ène riwaayat, so résumé li coumsa : Allah عزوجل ti donne Hazrat-é-Dawood عليه الصلوة والسلام ène la voix en or. Avec so la voix extraordinaire, montagne ti pé vibrer, banne z'oiseaux ti pé tomber en plein vol, banne

z'animaux quand ti pé tende so la voix zot ti pé sorti depuis dans la forêt, banne z'arbres ti pé bouger, de l'eau dans banne la rivière ti pé arrêter. Banne z'animaux sauvages ti pé arrête manger-boire pendant ène mois, banne ti bébé ti pé arrête pleurer et arrête demande du lait. Par so la voix douloureux, des fois banne dimounes ti pé fini intéqaal (trouve la mort). Ene fois par so la voix rempli de douleur 700 madames finne intéqaal.

Shaïtaan ti bien tracassé par la façon ki li ti pé faire tableegh (propage deen). En fin de compte Shaïtaan finne arrange la flûte et tambourine et li finne bien chanté et faire la musique. Maintenant, banne dimounes finne divise en deux. Banne céki ti bien guidés zot finne absorbé dans la voix rempli de douleur de Hazrat-é-Dawood عليه الصلوة والسلام et ceki finne dévié, zot finne piégés dans chanter et la musique de Shaïtaan.

Chanté et la musique c'est vraiment ène invention de Shaïtaan-ça. Ene récit de Tafseeraat-é-Ahmadiya (pg 601, Edition Haqqaania, Peshawar) confirme-ça davantage, cot Sarkaar صلى الله تعالى عليه واله وسلم finne dire: « *Shaïtaan finne faire deuil en premier et li finne chanter* »

De toute façon, participation, attraction et montrer ène l'intérêt dans chanter et la musique c'est ène caractéristique de Shaïtaan et so banne disciples, par contre ène musulmaan bien guidé li toujours reste loin avec chanter et la musique. Si jamais li piégé aussi dans ène sa qualité fonction-là, alors par l'aide d'Allah عزوجل li réussi sorti la-dans.

Ene Événement Étonnant

Dans Kashf-ul-Mahjoob (édition traduit, pg 753), de Daata Ali Hajwari رحمة الله تعالى عليه finne mentionne ène événement; en bref li coumsa : Hazrat Abdul Haarith Bounaani رحمه الله تعالى عليه dire ki ène fois à soir kikéne finne tappe mo la porte et li fine dire moi « *Ene jamaat (groupe) de banne chercheurs de la verité pé attane pou guette ou, si ou mette ou présence li pou ène grand faveur* » Mo finne accompagne li. Après quelques temps nou finne arrive ène place cotte banne dimoune ti faire ène cercle ti assizer. Ene vieux personne ki ti pé paraître comme zot chef

finn porte beaucoup respect envers moi, finne dire moi : « *Si ou permettre, nou tende quelques couplet de banne poèmes ?* » Mo finne donne permission. Deux personnes finne commence récite bane couplet d'amour et indécents avec ene joli la voix et l'assistance finne commence vibrer et zot finne commence faire toute sorte qualité éloges. Mo finne lever dépi la-bas. Mo fine étonné lors zot façon faire, ki qualité dimounes zot été, ki en apparence zot ti pé paraître bien respectable mais au lieu lire banne couplet pou faire éloges Allah عزوجل et So Rasool صلى الله تعالى عليه ,واله وسلم, zot pe plongé dans banne couplets d'amour. Ca l'heure-là, ca vieux dimoune-là finne dire moi :

« Oh Sheikh! Avant ou aller, faire mo connaissance; moi... Shaïtaan !!! Et sa banne-là c'est mo banne zenfants (progenitures). Dans organise banne fonction de chants, dansé éna deux grands profits pou moi là-dans:

① *Mo ti éna ène statut bien haute mais après mo finne être maudit, ca choque-là dérange moi beaucoup, alors à travers chanter et la musique mo essaye oublié mo chagrin.*

② *A travers chanté et la musique mo engage / occupe banne dimounes dans désirs et plaisirs sexuels et mo pousse zot encore plus pou faire pêchés »*

Aprés ki mo finne tende ça, tout de suite mo fine retourner dépi là-bas.

Chantés Développe Désirs Sexuels

Chers frères en Islam, par ca événement-là nous finne trouver ki, reste plongé dans chanter et la musique li couma ène intoxication car celui ki perdi la-dans li oublier tous kitchose. Nous finne aussi apprane ki chanté et la musique pousse nous vers péchés, développe banne désirs sexuels et faire ène dimoune perdi so dignité.

Dans Tafseer Durr-é-Manthoor, vol.6, pg 506, Edition Daar-ul-Fikr, Beyrouth, finne mentionner: Garde zot loin avec chanter et la musique parceki li développe banne désirs sexuels et détruire dignité et li pareil

couma l'alcool. Ena ene l'effet d'intoxication là-dans. Oh banne ki guette films, series TV, et dramas (pièces théâtre) ! Oh banne ki écoute chanter et la musique ! Oh banne ki ena passion pou banne jeux et spectacles, **écoutez, écoutez!** Allah عزوجل pé dire dans paara 21, Surah Luqmaan, aayat 6:

وَمِنَ النَّاسِ مَن يَشْتَرِي لَهْوَ الْحَدِيثِ لِيُضِلَّ عَنْ سَبِيلِ
 اللَّهِ بِغَيْرِ عِلْمٍ وَيَتَّخِذَهَا هُزُوًا أُولَٰئِكَ لَهُمْ عَذَابٌ مُّهِينٌ

Mo chef, Aala Hazrat رحمه الله تعالى عليه dans so traduction de Quraan bien renommée, Kanz-ul-Imaan, pe faire so traduction coumsa : « *Et parmi banne dimounes, ena ki acheté banne paroles inutiles pou zot égaré dépi chemin Allah عزوجل sans savoir, et pou zot prend sa comme badinage. Pou banne là-même ena ene punition humiliante* »

Explication de 'lahwal hadeeth'

Mo chef Aala Hazrat Imaam-e-ehl-é-Sunnat رحمه الله تعالى عليه dans Fatawa Razaviya, vol 23, pg 293, Edition Raza Foundation, Lahore, pé faire commentaire à propos ca boute 'lahwal hadeesi' ki veut dire, paroles de jeux, et li dire Sayyiduna Abdullah Ibné Mas'ood, Hazrat Sayyiduna Abdullah Ibné Abbaas, Hazrat Sayyiduna Imaam Hasan Basri, Hazrat Sayyiduna Saeed bin Jabeer, Hazrat Sayyiduna Ikrama, Hazrat Sayyiduna Mujaahid, Hazrat Sayyiduna Mak-hool et les autres Imaam, Sahaaba, Ta'bé-een رضى الله تعالى عنهم finne faire commentaires lors ca boute (lahwal hadeesi : paroles inutiles), et finne associé li avec la musique et chanter. Ena plusieurs hadeeth concernant horreurs de banne chanter et la musique.

Écoute Quatre (4) Ahadeeth Et Tire Leçon Chantés faire l'hypocrisie pousser dans le coeur

① Sarkaar-é-Naamdaar صلى الله تعالى عليه واله وسلم fine dire: « *Chanter et 'lahw' (c.a.d. tous kitchose ki faire dimoune néglige ène bon travail), faire l'hypocrisie pousser ça quantité-la dans le coeur pareil couma de l'eau faire l'herbe pousser. Qassam lors celui ki éna mo la vie dans So possession, sans doute Qu'raan et Zikrullah définitivement faire Imaan*

pousser dans le coeur pareil couma de l'eau faire l'herbe vert pousser » (Firdaws-ul-Akhbaar, Hadeeth no. 4204, vol 3, pg 141, Beyrouth)

Monture de Shaytaan lor celui ki chanter

② Allah عزوجل So Bien-Aimé صلى الله تعالى عليه واله وسلم fine dire : « *Celui ki hausse so la voix avec chanter, Allah (azzawajal) mette deux Shaïtaan lors li, ène Shaïtaan là-dans reste lors ène z'épaule et l'autre la, lors l'autre z'épaule. Et sa deux Shaïtaan-la reste batte ça personne-la avec zot lipié ziska ki li pas reste tranquille »* (Ad-Durr-ul-Manthoor, vol.6, pg 506, Edition Daar-ul-Fikr, Beyrouth).

Chanter faire Allah en colère

③ Hazrat-é-Dwahaak رضى الله تعالى عنه rapporter ki « *Chanter gatte le coeur et faire Allah عزوجل Ta'ala en colère »* (Tafseeraat Ahmadiya, pg 603, Edition Peshawaar).

Du plomb fondu dans zoreilles

④ Hazrat Sayyiduna Anas رضى الله تعالى عنه rapporter ki Rasoulullah صلى الله عليه وآله وسلم fine dire: « *Celui ki fine assise cote ène chanteuse, fine écoute li avec plaisir; alors jour Qayamat Allah عزوجل pou déverse seesa (du plomb fondu) dans so z'oreille »* (Kanz-ul-Ummaal, Hadeeth no. 40662, vol 15, pg 496, Edition Daar-ul-Koutoub Ilmiyya, Beyrouth)

Montagne de Péchés (gunah)

Chers frères en Islam, pena aukéne doute ki écoute chanter et la musique li haraam. Si les autres pe écouter alors celui ki fine mettre-là li pou gagne gounah la cause li fine mette chanter et la musique jouer et en même temps li pou gagne gounah de tous ceki pe tender aussi. Par exemple, ène propriétaire l'hôtel, magasin ou la boutique finne mette chanté et la musique jouer et 50 dimoune pé écouter, alors ça 50 dimoune-là pou gagne zot gounah séparément mais ça propriétaire-là pou gagne so propre gounah, plus 50 dimoune so gounah encore. Banne dimoune ki possède video club ou banne centres de musique, essaye pensé lor ène seul cassette pas conné combien dimoune, combien fois pou écoute ça et combien copies encore capave faire avec ça ène cassette-là. Pé trouve ène montagne de gounah mais

malheureusement! La frayeur d'Allah عزوجل pé disparaître dépi dans le coeur. Ecoutez, combien nous bien-aimé Prophète صلى الله تعالى عليه واله وسلم ti détester la musique.

Si tanne la musique ki bizin faire?

Hazrat Sayyiduna Naafi' رضى الله تعالى عنه dire: "Ene fois moi et Hazrat Sayyiduna Abdullah Ibné Umar رضى الله تعالى عنهما ti pé marcher ensemble lor ène chemin quand ène coup li finne tanne la musique, alors li finne mette so les doigts dans so deux z'oreilles et li finne change bord chemin. Après ki nou finne alle un peu pli loin, li finne demande moi : « *Eh Naafi, est-ce ki to pé tanne kitchose?* » Mo finne reponne: « *Non* » Lerla li finne retire so les doigts depi dans so zoreille. Et li finne dire: « *Ene fois mo ti avec Rasoolullah صلى الله تعالى عليه واله وسلم et li finne tanne son la flûte, alors li finne faire pareille couma mo finne (fek) faire* » (Abu Dawood, Hadeeth no. 4924, vol.4, pg 306, Edition Daar-ul-Fikr, Beyrouth).

L'ordre pou détruire tambour

Chers frères en Islam, zot finne trouvé combien Rasoolullah صلى الله تعالى عليه واله وسلم et So sahaabi رضى الله تعالى عنه ti détesté la musique!? Du moment zot finne tanne son la musique zot finne mette zot les doigts sacré dans zot zoreille. Pas seulement ça mais zot finne même change chemin. Mais zordi si kikène pas content la musique là-aussi li pas reussi mette en pratique ça banne sunnat-là. Si jamais nous dans ène l'hôtel, magasin ou bien dans ène réception mariage cotte pé joué la musique, alors nou assise dans ça banne places-là à l'aise.

Réalise ène ti peu, dans hadeeth finne mentionner: Hazrat Sayyiduna Abdullah Ibné Abbaas رضى الله تعالى عنهما finne rapporté: « *Allah عزوجل So Bien-Aimé صلى الله تعالى عليه واله وسلم finne dire: Mo finne gagne l'ordre pou détruire tambour et la flûte* » (Firdaws-ul-Akhbaar, Hadeeth no. 1612 vol.1, pg 483, Edition Daar-ul-Kitaab Arabi, Beyrouth). Mais banne musalmaan ki proclame zotte l'amour pou Rasoolullah صلى الله تعالى عليه واله وسلم haut et fort, zot même finne prend ça banne instrument-là (TV, radio, VCR, CD, DVD, computer, walkman, MP3-player, iPod, etc.) comme

banne kitchose de grand valeur pou zot. Et sans la musique zotte banne mariage pas accompli même. Laisse la musique ène coté, Rasoolullah صلى الله تعالى عليه واله وسلم détesté l'identité même de ça banne instrument de musique-là. Mais dommage, mille fois dommage banne musulmaan et croyants ki prend zotte comme banne serviteurs dédié pou Rasoolullah صلى الله تعالى عليه واله وسلم zotte même pé ouvert banne centre de musique chaque coin la rue, ziska zotte pé faire zotte lacaze même ène centre de musique.

Dommage, zordi cote éna ène la boutique cote pas pé jouer chanté? Cote éna ène magasin ou bien l'hotel ki pas finne mette ène joli télévision? Et cotte éna ène bâtiment cotte péna ène l'antenne sophistiqué (Canal Satellite, Parabole)?

Dommage, banne musulmaan zotte destruction, de chaque coté, ena films, séries TV, drama (pièces théâtre) et chanté, la musique et **situation tous banne z'enfants musulmaan pé détérioré**. En passant laisse mo raconte zot ène évènement rempli de leçon concernant l'antenne télévision.

Ene Événement Horrible

Le 20 Février 1999, ti éna ene l'article ti publié dans ène journal de Pakistan ki ti écrire comme-ça: « À soir après ki ti éna gros la pluie dans Lahore (ène la ville en Pakistan) ti éna gros z'éclair ki ti tombe lors l'antenne de Abdul Majeed Kabari. Ca fine passe par du fil l'antenne et fine vine ziska so télévision. Ca z'éclair-la fine éclate so télévision et courant fine rentre dans la caze et ene madame ki ti pe dormi à coté fine électrocuté par ca courant-la ; li fine commence crié fort fort, so missié fine dégager pou vine aide li mais li aussi fine électrocuté par ca z'éclair-la. Après ça, z'éclair-la finne tappe avec muraille et fine sorti par la fenêtre. Abdul Majeed fine inteqaal par banne brûlure et so madame fine blesser et fine besoin admette li dans l'hôpital »

Ki Allah عزوجل pardonne le chef de la famille (marhoom) et la personne blessé aussi, et donne li bon la santé, Aameen.

Jahan mein hein ibrat ke har soo namooné

Dans le monde de chaque coté éna leçon
Magar tujhko andhaa kiya rang-o-boo né
Mais bann couleurs et parfums (plaisirs) finn aveuglé toi

Kabhi ghaur se bhi ye dékha hein tou né

Eski to finn déjà observe ça sérieusement?
Jo aabaad thé wo makaan ab hein sooné
ça la caze ki ti habité là, aster li abandonné!

Jagah jee lagaané ki duniya nahin hein

Le monde c'est pas ene place pou divertir
Ye ibrat ki jaa he, tamaasha nahin he
C'est ene place de leçon ça, et non pas ene drama!

Banne Couplets de Kufr (infidélité)

Chers frères en Islam, rappelle bien, guette films, séries TV, et dramas, écoute chanter et la musique, li haraam et c'est ene travail ki pou amène vers Jahannam.

De nos jours banne compositeurs et paroliers de banne chanson et bane chanteurs fine dépasse limite à tel point ki zotte fine commence faire objection lors Le Créateur des mondes, Allah Ta'ala!!! Oh banne ki mette chanté jouer dans zotte la boutique, dans bus et l'auto! Oh banne ki sans réaliser zotte chante banne chantée, prend conscience! Pense ene ti peu combien poison Shaïtaan fine mette dans banne chanté! Couma, avec beaucoup ruse, li pé servi la magie du son et la voix pou piège zotte et faire zotte vine so compagnon pour tout le temps dans Jahannam! Mo le coeur effrayé, mo la langue tremblé mais pou le bien-être de la communauté musulmane mo pé présente 9 l'exemple de banne paroles kufr (infidélité) ki trouve dans bann chansons de nos jours:

Couplet #1

*Haseenon ko aaté hein kya kya bahaané
Khuda bhi na jaané to ham kaissé jaané*

Ma'az Allah عزوجل dans ça couplet-là fine dire 'Khuda bhi na jaané' c.a.d, Allah عزوجل même pas conné. Sa li tout à fait kufr.

Couplet #2

*Khuda bhi aasmaan sé jab zameen par dekhta hoga
Méré mehboob ko kiss né banaaya?... Sochta hoga*

Dans sa couplet-la, ma'az Allah عزوجل éna au mois 5 paroles de kufr :

- ★ Jab dekhta hoga (quand Li guetté). Li pé rode dire ki Allah عزوجل pas guetté tout le temps!
- ★ Pas Allah عزوجل ki fine créer ça imbécile-la so bien-aimée!
- ★ Ki sanla fine créer, ça aussi Allah عزوجل pas conner!
- ★ Li penser
- ★ Quand Allah عزوجل guetter depuis lors le ciel, tandis qui Allah عزوجل li pure avec place et direction

Couplet #3

*Rab né moujh par sitam kya kiya hein
Saaré jahan ka gham moujhé dé diya hein*

Dans sa couplet-la, sa morceau la li kufr 'Rabb né moujh par sitam kiya hein', veut dire: Allah عزوجل fine faire dominère / injustice avec moi. Ma'az Allah عزوجل sa chanteur imbécile-là pé dire Allah عزوجل criminel / injuste. La-dans, dire Allah عزوجل criminel / injuste, li kufr.

Couplet #4

*Patthar ke sanam tujhé hum né, Mohabbat ka khuda jaana
Bari bhool huwi aré hum né, ye kya samjha ye kya jaana*

Dans ça couplet la, finn accepter ene statue en roche comme Allah; et ça li kufr (l'infidélité).

Couplet #5

*Tujhko dee soorat pari si, dil nahin tujhko diya
Milta khuda to poochta; ye zulm tou né kioun kiya?*

Dans ça couplet la, ma'azallah, finn taxer Allah criminel/injuste; et ça li ene kufr sans nul doute.

Couplet #6

*Oh Meré Rabba Rabbaa ré Rabba, ye kya ghazab kiya
Jiss ko banaya tha larki, oussé larka banadiya*

Dans sa couplet-la ena deux kufr:

- ★ Jisko banaya tha larki, ousko larka bana diya (Ceki ti besoin créer ti-fille, to finn créer li garçon.) Sa li kufr parceki li ène objection lor Allah عزوجل
- ★ Après fine dire sa 'ghazab' (injustice, dominère) ça deuxième kufr

Couplet #7

*Ab aagé jo bhi ho anjaam dekha jaéga,
Khuda taraash liya awr bandagi karli*

Dans ca couplet 'Khuda taraash liya aur bandagi karli' c.a.d. mo fine sculpter bon dieu et mo fine fini prié li. Ena deux kufr:

- ★ Fine prend ene créature (roche, du dois, etc. seki li finn sculpter) comme Créateur (Allah عزوجل)
- ★ Après fine prier sa créature-la (c.a.d finne adore ca créature-la)

Couplet #8

*Meri nigaah mein kya bann ke aap rehté hein
Qasam khuda ki khuda bann ke aap rehté hein*

Dans sa couplet-la fine prend ene creature comme createur (Allah عزوجل) et sa li kufr.

Couplet #9

*Kisi patthar ki moorat se mohabbat ka irada hein,
Parastish ki tamanna hein ibaadat ka irada hein*

Dans sa couplet-la fine exprime l'intention et désir pou prier ene idole en roche et sa li ene kufr au clair.

Imaan (La Foi) Finn détruit

Chers frères en Islam, même ene parmi sa banne couplets de kufr-la ceki mo fine fek présenté la (ou bien banne lezot chanté, poèmes, etc kot ena paroles kufr), si kikéne avec l'intérêt, attraction ou plaisirs fine écouter, lire ou chanter, **li fine fini sorti en dehors cadre de l'Islam**, et li fine vine kaafir et murtad, tous so banne bon actions fine fini alle dans de l'eau. C'est à dire, tous banne namaaz avant, banne rôza, hajj et tous banne les autres bon actions fine fini détruire.

Si li ti marier so nikah aussi fine fini casser, si li ti ene mureed de ene Peer, so bay'at aussi fine casser. Li obligatoire lors li pou li faire tawba (repenti) avec sa bane paroles de kufr ki ti ena dans ca banne couplets-la et lire kalima, revine musalmaan à nouveau (tajdeed-é-imaan). Si li envi révine mureed, alors li besoin reprend bay'at avec so ancien Peer (sunni) ou avec ene l'autre Peer (sunni) pratiquant la loi Islamique. Si li envi garde so ancienne madame alors avec nouveau meher li besoin refaire nikah avec li (tajdeed-e-nikah).

Ceki ena doute ki pas conné si avec plaisir ou coumsa même li fine écouter, lire ou chante sa banne couplet-la (ou banne lezot couplets ki contenir banne paroles de kufr), alors comme précaution li aussi besoin repentir (faire tawba), renouveler imaan (tajdeed-e-imaan), renouveler so bay'at et renouveler so nikah (tajdeed-e-nikah) aussi, car la dans même ena bien-être des deux mondes.

Dans Tafseer Madaarik, vol 3, pg 142, mentionner: « *Celui ki penser ki li pas nécessaire faire tawba, alors en vérité c'est li même ki besoin faire plus beaucoup tawba (ki tous dimounes)* »

Tajdeed-e-Imaan: Façon Ré-amène Imaan

Aster mo présente devant zotte façon pou ré-amène imaan (pour faire tajdeed-e-imaan). Besoin faire tawba dans sa façon la ki nous le coeur aussi accepter li. Seulement avec la bouche pas assez. Par exemple, quelqu'un fine prononce ene parole de kufr et ene l'autre dimoune fine faire li faire tawba dans ça façon-là ki la personne pas fine même conné ki li fine faire tel kufr et ki astère li pe répentir avec sa kufr la. Dans sa façon-la tawba pas pou compter. De toute façon tawba pou accepter sa l'heure la quand fine ena dégoût pou sa kufr-la dans le coeur. Li meilleur nomme (cite) sa kufr-la aussi. Par exemple, si ena pou faire tawba pou ca couplet de kufr-la: « *Khuda bhi na jaané, to hum kaïssé jaané* » (Allah عزوجل même pas conné, alors nous couma nous pou conné), alors besoin dire comme suit:

Yaa Allah عزوجل mo fine prononce ca kufr-la 'Khuda bhi na jaané'. Mo regretter et mo pe faire tawba (repenti) avec ca, Laa ilaaha illallaahu

Muhammadur Rasoolullah صلى الله تعالى عليه واله وسلم [Apart Allah عزوجل
personne pas mérite d'être prié / adoré, Muhammad صلى الله تعالى عليه واله وسلم
li Allah عزوجل So messenger]

De cette façon, fine repenti avec ene kufr spécifique et fine ré-amène imaan aussi. Si pas rappelle ki banne kufr ki fine commette alors dire coumsa:

Yaa Allah عزوجل *mo repenti avec toute sorte qualité kufr ki mo finne arriver commette* - Après lire kalima.

Si ou conne traduction de kalima alors pas nécessaire répète traduction-la verbalement (avec la bouche). Si ou pas conner-même si ou fine commette ène kufr ou non, mais ou envie faire tawba, alors dire coumsa:

Yaa Allah عزوجل *si mo fine arriver commette ene kufr, alors mo repenti avec ça* - Après ki ou fine dire ça, lire kalima.

Madani Conseil

Tous les soirs avant alle dormi lire 2 rakaat namaaz **salaat-ut-tawba**, faire tawba et ré-amène imaan (faire tajdeed-e-imaan). Rappelle bien, celui ki ma'az Allah عزوجل fine mort dans l'état de kufr alors li pou brûler dans du feu Jahannam et gagne punition pour toujours.

Tajdeed-e-Nikah: Façon Refaire Nikah

Refaire nikaah veut dire « *refaire nikaah avec ene nouveau meher* » Pou faire ca, pas nécessaire organise mehfil / reception et rassembler beaucoup dimoune. Nikaah veut dire faire ene demande et accepter (**ijaab-o-qabool**). Sans doute, l'heure nikaah, li obligatoire pou ena comme témoin, présence de 2 missié musulmaan ou bien 1 missié musulmaan et 2 madames musulmaan, khutba nikaah li pas ene condition nikaah mais li mustahab (recommandé). Si nous pas rappelle khutba, alors capave aussi lire Aaouzoubillah, Bismillah et Surah Fateha. Li obligatoire (waajib) lor z'homme la pour donne au moins 30.618

grammes argent ou so valeur en cash, comme meher (sans meher aussi nikah pou compter, mais il pou toujours waajib lor z'homme la pou donne meher).

Par exemple si ou fine décide / faire l'intention pou donne Rs 525, aster dans présence 2 missié musulmaan ou 1 missié musulmaan et 2 madames musulmaan ou dire avec celui ki ou pe alle faire nikaah: « *En retour de Rs 525 comme meher mo fine faire nikah avec ou* » Madame-la dire: « *Mo fine accepter* » Nikah fine accompli. Sa aussi possible ki madame la-même lire khutba ou surah fateha, après demande avec missié la. Après missié la dire: « *Mo fine accepter* » Si ene madame oulé li capave excuse meher. Mais sans nécessité li pas conseillé ki missié-la demande madame-la pou excuse meher.

Dans bann cas cot nikah finn casser, par exemple, finn prononce ene parole de kufr (d'infidélité) et finn vinn murtad (en dehors de l'Islam); alors après ki finn ré amène imaan et quand pe réfaire nikah, meher vinn **waajib (obligatoire)**. Par contre si pe re doubler nikah comme précaution, lerala péna le besoin pou donne meher. [Résumé de Radd-ul-Muhtaar, Vol 4, Pg 338,339].

ATTENTION!!!

Après ki finn perdi imaan et avant ré-amène imaan, celui ki finn faire nikah, so nikah pas finn accomplit même!

Sarkaar صلى الله تعالى عليه واله وسلم So paroles rempli de leçon ça: « *Celui ki, sans aukéne raison valable d'après Shariat, fine blesse ene musulmaan, li fine blesse moi et celui ki fine blesse moi, li fine blesse Allah عزوجل* » [Fatawa Razaviya, vol 6, pg 538, Edition Raza Foundation, Lahore]

بِسْمِ اللَّهِ الرَّحْمَنِ الرَّحِيمِ
الصَّلَاةُ وَالسَّلَامُ عَلَيْكَ يَا سَيِّدَنَا مُحَمَّدُ

PRINTEMPS DE SUNNAT

Dans Ijtema hebdomadaire de Dawat-e-Islami, gagne l'occasion pou apprane, montrer et propage l'enseignement du saint Qur'aan et Sunnat de Nabi-e-Kareem ﷺ. Participe ponctuellement la-dans et profite au maximum de ça banne moments précieux la.

A Maurice, Dawat-e-Islami organise **ijtema chaque Samedi à partir Namaaz Esha dans Masjid Sheikh Abdul Qaadir Jeevani** رجب الله تعالی عنه, à Carreau Lalo, Vallée des Prêtres (Vallée de Attar) Port Louis.

Pour l'enseignement, propagation et mettre en pratique du Sunnat de Nabi-e-Kareem ﷺ, Dawat-e-Islami régulièrement organise **Madani Qaafila** (petit caravane éducative) qui voyagé depuis ene masjid jusqu'a ene lot masjid, depuis ene l'endroit jusqu'a ene lot l'endroit, depuis ene pays à ene lot pays. Vinne participer ou aussi dans sa banne sorti plein de Sunnat-e-Rasool ﷺ et rempli ou a'maal-naama avec beaucoup sawaab pou aakhirat.

Pour amène ene la vie exemplaire couma ene musulmaan, prend ou **"Madani In'aamaat Card"** depuis Maktaba-tul-Madinah (librairie de Dawat-e-Islami). Tous frères et soeurs en Islam, essaye vivre zotte la vie d'apres sa. Pour gagne l'habitude lor la, remplie sa card la et remette li au responsable de Dawat-e-Islami de zotte localité. Insha Allah ﷻ pou ena ene changement salutaire (Madani) dans zotte la vie.

**Maktabat-ul-Madinah / Majlis-e-Taraajim
Dawat-e-Islami**